

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Imperator Paulum per Philippum praefectum exturbari, atque in
exilium mitti, ac Macedonium in sede eius collocari paeceperit. Capvt XII.

urn:nbn:de:hbz:466:1-12704

Quod Imperator Paulum per Philippum præfatum exturbari, atque in exilium mitti, ac Macedonium in sede eius collocari præceperit.

C A P V T X I I .

Constantius Imperator Antiochiae commoratus, simul atque acceperat Paulum episcopatus Constantiopolitani sedem denuò occupasse, rem acerbè & grauiter tulit. Philippo igitur præfecto, vtpote maiorem cæteris prouinciarum præsidibus potestatem consecuto (secundus namque ab Imperatore nuncupatus est) mandatū scriptis proditum mittit, vt Paulum ejceret ecclesia, Macedoniañq; in eius locum introduceret. Præfectus verò Philippus, populi tumultū veritus, Paulum astutè admodum aggreditur: Imperatoris voluntatem tacitus occultat. Atque simulata specie publicis ciuitatis rebus diligenter prouidēdi, ad balneum publicū, quod Zeuxippus dicitur recta pergit: mittitq; inde quendam, qui Paulum honorificè accerferet, diceretq; illum ad præfectū venire debere necessariò. Postquam ille accitus venerat, præfectus absque mora Imperatoris mandatum ostendit. Episcopus sententiam, licet iniquè contra eum pronuntiatam, æquo animo fert. Præfectus autem tum eos, qui circumstebant, tum multitudinis imperium admodum reformidans (multi namque rumoris suspitione commoti, ad publicum illud balneum concursarant) vnam fenestram balnei aperire iubet. Paulus per eam in nauigium ad eam rem paratum demissus, cum festinatione in exilium mittitur. Cui in mādatis dedit præfectus, vt Thesalonicanam, primariam Macedoniæ ciuitatem, (in ea verò à maioribus suis oriundus erat) profici seretur: inq; illa vitā degeret, libereq; & seculo animo ciuitates etiam adiret Illyrij. Verùm ad partes versus orientem reuertendi nullam omnino ei facere voluit potestatem. Paulus igitur præter expectationem & ecclesia pariter & ciuitate eiectus, cum celeritate abducitur. Imperatoris præfectus Philippus, ex balneo publico ad ecclesiam maturat. Cum illo quasi composto factū fuisset, aderat Macedonius: inque rheda pariter assidens omnium vndique oculis ostenditur. Militum manus cum

SOCRATIS HISTORIAE

nus cum gladiis eos stipat. Inde multitudinis animis terror
iniectus est. Omnes itaque ad ecclesias confluunt, & tā illi,
qui fidem Consubstantialis, quām qui Arij dogma tutaban-
tur, ad ecclesiam ire contendunt. Simul ac praefectus vna cū
Macedonio Ecclesiæ appropinquabat, ingens certè me-
tus tum multitudinem, tum milites etiam ipsos percutit.
Nam quoniam tanta aderat turba, vt nullus transitus præfe-
cto Macedonium deducenti pateret, milites multitudinem
violenter trudere cœperūt, atq; cū multitudo ita coarctata
esset, vt præ loci angustia secedere non posset, milites illam
ex aduerso se illis opposuisse, & sua sponte transitum præfe-
cto interclusisse arbitrati, districtis gladiis in eam impetum
facere: acriter ad pugnam incumbere cœperūt. Circiter tria
millia hominum, & centum quinquaginta occubuisse fer-
tur: quorum alij à militibus trucidati, alij à multitudine op-
pressi interierūt. Macedonius verò post tam præclarè facta,
perinde ac si nihil admisisset mali, sed istorū scelerū integer
& innocens fuisset, arbitrio potius præfecti quām canone
ecclesiastico in sede episcopali collocatur. Ad hunc modū
igitur Macedonius, & Ariani per tantam hominum cædem
ad ecclesiæ gubernationem ascenderunt. Per idem tempus
Imperator amplam & magnificam ecclesiam, quæ sapientiæ
nomen iam habet, construxit, eiq; ecclesiæ illi adiunxit, quæ
pacis dicitur, quæq; à patre suo, cum antea esset angusta, tū
amplificata magnitudine, tū ornatu illustrata fuit. Iam verò
ambæ & uno muro cernuntur circūdatæ, & uno nomine ap-
pellantur.

*Quod Athanasius minis Imperatoris exterritus,
Romam iterum configit. CAP. XIII. -*

Eodem tempore alia falsa criminatio contra Athanasiū
conficta est ab Arianis, qui ad eū accusandum hāc cau-
sam conquisiuerāt. Iam pridem Constantinus frumēti
Congiariū ecclesiæ Alexandrinę ad pauperes alendos sup-
peditauerat. Istud aiunt Athanasium vendidisse, & ad suū
ipsius quæstum conuertisse. Habet fidem illis Imperator: eū
minatur morte mulctaturum. Athanasius, vbi minas Impe-
ratoris resciuerat, se fugæ mandauit: latitauit in obscurō.
Tum Iulus episcopus Romanus, cū de iniuriis Athanasio
ab A.